

ւորն զի ապրեցուցէ. և սպասաւորք և դոնապանք վէզիրին ասելով նոցա պատասխանին թէ Ոչ գոյ վէզիրն աստ, փակելով զգրուանն առաջի նոցա: Եւ նոքա զայն տեսեալ՝ սկսին հարկանել զգուռն կացնաւ և ծակոտեալ զպատն և ընկեցեալ զգուռն, մտեալ ի ներս այսքան ամբոխս՝ խողխողելով զարսն որ անդն կային, և ի վեր ելեալ բացին՝ ոմանք զգանձատուռն, առնելով ցիր և ցան զանհամար քսակսն արծաթի. ոմանք կտրատէին և ոմանք ողջ վեր առնէին, և ըզմուշտակսն ծանրագին՝ գսամուրսն և զայլսն ծիւ ծիւ արարեալ. և զոսկէզօժ զէնքն և զոսկէթէլ պաճուճանքն և զականակուռ երեսանակալք ձիոցն և զապրշուճեղէնս և զկտաւս, որոց կտոր կտոր արկեալ ի ձեռս և զօրեղիցն ողջ, և զպղնձեղէնսն և զձիս պերճաւորս պիտանիս թագաւորաց բազում էր առ նա, քանզի ձիասէր էր յոյժ. զամենեսեան առեալ զնային. զի այնպէս արարին՝ որպէս զանապատ. քանզի և մտեալ ի սահմանս կանանց՝ անդ և որպէս զիտացին այնպէս արարին: Բայց սուլթանն եւս յառաջագոյն փախեալ էր յայլ տեղիս, զի և նորա ևս ունէին ի մտի՝ եթէ կալցեն: Եւ զայս արարեալ՝ մինչև յաւելն ոչ թողին. զարձան և էր երեկոյ: Եւ գնացեալ նոյն զինուքն ի ժամագրեալ տեղն որ ասի էթմէյտան, մինչ ի լուսանալ առաւօտուն՝ անդ նստեալ վրանօք:

Եւ առաւօտուս Գշի որ մուտն էր Մայիսի, գնացին նոյն զինուք բազմացուցեալ զամբոխն, թէ ոք չկայր յերեկի օրն այնմ կապուտի որք առին, այսօր հաւաքեալ ի մի եթէ այնպիսի բանի հանդիպեսցին: Եւ գնացին ի պալատ թագաւորին եթէ Տո՛ւր զթշնաւ մին քո և մեր ի ձեռս մեր. և ամենեքեան մեծամեծքն և վուզարայքն ի ներսն էին ի պալատն արքունի առ վէզիրն, և թէ ձայնն սաստկանայր. որք